

# Эврэ селэдэн кеерүлджинэ

Алдр Октябрьск социалистическ революцин 41-ч джигдөн күртл, баях селэдэн кеерүлдж кеерүлхин тускар тусхн таньгьчин партийн комитетин болн күцэгч комитетин шиидврэр, Яшалтинск района күч-көлсчнр куундвр кегьад, баярлдж баях селэдэн цеврлэд, көкрсн моддар кеерүлхэр даалгьврмуд авчав. Тегэд 105-ч номертэ совхозин көдлэчнр болн цеврлэчнр центр деер баях паркан зургьан гектар күргдж икдүлдж, олн-зүсн мод тэрджэцхэнэ. Яшалта селэнэ олн-амтнэ дөнъгэр „Парк дружбы“ кегддженэ. Иим көдлмш районона цуг селэдэр бас кегддженовна.

„Победа“ колхозин 5-ч производственн бригадин багьчудин болн медэтэ улсин селдвар сэн аш үзүлв. 1957 джилд эн бригадин совет колхозникудин дөнъгэр, колхозин

энт-ахун хаш-хаацс эргнд хбрэд мод, тедн дунд зер-земшин арвн мод тэрцхэв.

Нидн джил Зерное селэнэ уульнчин хойр хаджугьар газр хагьтгдэд, нүкд малтгдэд, 2000 гар модн тэргдв, Энүнд И. Фоменко, А. Черков болн А. Тутюников эдн эврэннь дурар көдлцхэв. Олгэ цагт эн модд саянэр хэлэгдлж, услгддж, эс ургьсн моддин ормд шин модд тэргддженэ. Комсомольчнр болн багьчуд воскресник бүрдэгьад, стадиона дэр 1000 гар мод тэрцхэв. Ода болхла бригадир И. М. Мамаин болн агроном Р. Солодухина гардврт, гер болгьнд зер земшин болн үзмин 10—15-д мод тэрхэр темдгдлж көдлджэцхэнэ.

Эн селэнэ селдварэс үлгүр авчхадж, района кесг селэдэн сара хонгин көдлмштэн көдлджэцхэнэ.

Л. МАЗИН